



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Chrysostomi ad Gainam legatione. Cap. XXXIII.

urn:nbn:de:hbz:466:1-12704

spero, persuasurumque ne postulet, quod ei concedi non debeat. Quibus auditis, imperator vehementer letatur, & postridie eius diei vtrunq; accersit. Gajnas quidē promissum exposcit: magnus autē Ioannes respōdet illi ex aduerso: non licere imperatori, qui pietatem colere instituat aliquid cōtra res sacras temere moliri. Cui quidē dicēti templū sibi dari oportere, respondet Ioannes, téplum sacrū apertū esse, neminemque eum prohibere, quo minus in eo, si libeat, preces deo fundat. Tū Gajnas, at ego, inquit, alterius sectæ sum, & cū hominibus eius sectæ vnū sanctū templum habere postulo. Atque istud quidem non immeritò peto, quippe qui multa bellica certamina pro Romanis cōfecerim. At præmia, inquit Ioannes tibi propterea tributa labores tuos longe superant. Nam dux es, & honore consulari dignatus: quin etiam tecum debes considerare, quis fueris olim, & qui iam sis: quæ etiam præterita tua inopia, & in qua iam abundantia vitam degas.

Quibus quoq; vestimentis prius indutus esses, quàm Istrū traieceris, & quibus iam opertus. Complectere igitur animo, quàm pauci sint labores, & quàm ampla præmia: atque noli erga eos, qui tibi honorem hunc detulerint, ingratus esse. Hac oratione habita, Ioannes, celebris totius orbis terrarum doctor, os obturavit Gajnæ, atque ad eo obmutescere coegit. Temporis autē interuallo interiecto, Gajnas tyrannidem, quam mollitus fuerat, manifestò patefecit, atque collecto in Thracia exercitu, prædas agere, & multa loca vastare cœpit. Quibus rebus cognitis, omnes cum magistratus, tum subiecti metu exhorrescere: atque nemo erat, qui vel cum eo in acie configere animum induxerit, vel legationem apud eum obire se tuto posse existimarit. Nam barbarum eius & crudelem animū quisque suspectum habuit.

De Chrysostomi ad Gainam legatione.

CAP. XXXIII.

ID temporis aliis omnibus velut metu perculsi relictis, initum est ad Ioannem, inuictissimum illum Christi bellatorem: suadetur ei, vt legatus ad Gajnam proficiscatur.

℞ 5 Ille

THEODOR. HISTOR.

Ille vero, nulia habita ratione vel disceptationis cōtra Ga
jnam antè susceptæ, vel simultatis inde ortæ, prompto
animo in Thraciam contendit. Quare Gajnas, cognito
legati aduentu, & animi eius alacritate pro pietatis defensi
one consyderata, lōgo interuallo ei lubens procedit obui
am, atque præhensam illius dexteram oculis suis apponit,
liberosq; sacra eius genua cōplecti cogit. Sic quidē virtus
vel infelissimos afficere pudore, & obstupescere solet.

De iis qua propter Chrysostomum euenerunt.

CAP. XXXIIII.

Verū inuidia illustrem sapientiæ Ioannis splendore
non tulit, sed suis machinis admotis, non urbem Cō
stantinopolim solum, verum etiā vniuersum orbē ter
rarum cū eloquentia illius, tū sapientia orbauit. Ipse equi
dem ad hāc historiæ partē iam oratione prouectus, nescio
quo animo affectus sim. Nā dū iniurias ei illatas narrare in
stituo, virtutem eorum, qui illarum iniuriarum authores
erant, non nihil reuereor. Quade causa eorum nomina
silentio prætermittere animus est. Isti quoniam varias cau
sas habere videbantur, cur cum eo Simultatem gererent,
eximiam eius virtutem videre noluerunt, sed miseris qui
busdam accusatoribus conquisitis, tametsi crimen perspi
cuae falsum esse intellexerunt, tamen concilio longē extra
urbem conuocato, sententiam aduersus eū pronuntia
runt. Itaque imperator sacerdotibus fidē adhibens, illum
longe ab vrbe relegari mandat. Ioannes autem, cum neque
accusationem audiuisset, neque ei respondisset velut crimi
num sibi illatorū conuictus, urbē deserere cogitur, & Hie
ron oppidū (sic enim nauale illud nominatur) in ostio Pō
titi situm contendere. Cū vero noctu terræmotus factus es
set, & terror inde Imperatrici incussus, Cōstantinopoli vr
bi Mariæ præmittuntur prima luce legati ad Ioannē exu
lē, oratum vt quā primū ad urbem redeat, periculūq; ei im
pendens depellat. Post quos alij mittuntur legati: post il
los etiam alij, adeo vt Bosphorus refertus esset legatorum
turba. Vbi vero fidelissimus populus istud intellexit, o
stium Propontidis nauigijs operuere. Omnes nanque cū
cereis accensis ei obuiam fiunt. Atque pro eo quidē tem
pore